

Anja Pohončowa (Budyšin, Němska)

Zwjazanje Serbskeje bibliografije do digitalnych informaciskich systemow

Serbska bibliografija je speciela bibliografija ze šěrokim spektrumom temow. Wysoki podźěl sorabistiskeje fachoweje literatury, wosebje na rěčespytnym polu, kwalifikuje ju wyše toho jako dźěl slawistiskeje bibliografije.

W léće 2008 je wušto poslednje ćišćane wudaće stajnje pjeć lět wopřijaceje Serbskeje bibliografije (2001–2005). Wot toho časa je wužiwar při pytanju za sorabistiskej literaturu pokazany na elektronisku wersiju Serbskeje bibliografije (<http://www.serbski-institut.de/cms/os/45/Serbska-bibliografija>), kotrejež wužiwanje pak je wobsahowje a technisce wobmjezowane. Na druhej stronje wotewrjeja so přez migraciju bibliografiskich datow do přidatnych digitalnych informaciskich portalow nowe puće, kotrež dowoleja zaměrne rešeršowanje w interneće. Wosebje bibliografiski system iSybislaw ze swojimi wobšěrnymi přidatnymi informacijemi skići pytanske funkcije, kotrež wolóžuja a pospěšuja wuspěšne rešeršowanje za sorabistiskej fachowej literaturu.